



SLUŽBENI LIST BIH

JP NIO Službeni List
Bosne i Hercegovine

- [Jezik](#)
- [Službena glasila](#)
- [Oglašavanje](#)
- [Pretraga](#)
- [Vijesti](#)
- [Web shop](#)
- [Info](#)
- [Javne nabavke](#)

Pregled Dokumentata | Broj 69/24

- [Početna](#)
- [Dokumenti](#)
- [Službene novine Federacije BiH](#)
- Dokumenti pregled

Službene novine Federacije BiH, broj 69/24

Na osnovu člana 19. stav (1) tačka 6. i člana 21. stav (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), a u vezi sa tačkom II. stav (1) Odluke o uslovima i procedurama emisije obveznica Federacije Bosne i Hercegovine ("Službene novine Federacije BiH", broj 31/12), Vlada Federacije Bosne i Hercegovine na 40. sjednici, održanoj 29.08.2024. godine, donosi

ODLUKU

O ZADUŽENJU FEDERACIJE BOSNE I HERCEGOVINE PUTEM EMISIJE OBVEZNICA (10Y) FEDERACIJE BOSNE I HERCEGOVINE

I.

Odobrava se zaduženje Federacije Bosne i Hercegovine (u daljem tekstu: Federacija) putem emisije obveznica radi prikupljanja sredstava za finansiranje izdataka utvrđenih Budžetom Federacije Bosne i Hercegovine za 2024. godinu, u nominalnom iznosu do 50.000.000 KM (slovima: pedesetmiliona KM).

II.

Osnovni elementi obveznica iz tačke I. ove odluke su:

- Emitent: Federacija Bosne i Hercegovine
- Iznos emisije: 50.000.000,00 KM
- Broj obveznica: 50.000
- Nominalna vrijednost obveznice: 1.000,00 KM
- Rok dospjeća: 10 (deset) godina
- Metoda aukcije: format višestruke cijene
- Datum aukcije: utvrđuje se javnim pozivom
- Kupon: utvrđuje se nakon završene aukcije
- Isplata kamate: polugodišnje, od datuma poravnanja
- Isplata glavnice: jednokratno na datum dospjeća
- Vrsta obveznice: obveznica sa fiksnim kuponom

III.

Javni poziv za učestvovanje u emisiji obveznica Federacije objavljuje se na internet stranici Federalnog ministarstva finansija - Federalnog ministarstva financija (u daljem tekstu: Ministarstvo), agenta emisije i Sarajevskoj berzi - burzi vrijednosnih papira d.d. Sarajevo (u daljem tekstu: SASE) najkasnije sedam dana prije dana održavanja aukcije.

IV.

Obveznice se emitiraju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovima registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdanja jednaka fiksnoj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne Banke Bosne i Hercegovine na dan izmirenja obaveza po obveznici.

Ne postoje nikakva ograničenja u prijenosu obveznica.

V.

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

FORMULA B

$$CIJENA = \left[\frac{isplata}{\left(1 + \frac{prinos}{učestalost}\right)^{\left(N - i + \frac{DSC}{E}\right)}} \right] + \left[\sum_{k=1}^N \frac{100 \times \frac{stopa}{učestalost}}{\left(1 + \frac{prinos}{učestalost}\right)^{\left(k - i + \frac{DSC}{E}\right)}} \right] - \left(100 \times \frac{stopa}{učestalost} \times \frac{A}{E} \right)$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja,

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

VI.

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

VII.

Vlasništvo nad obveznicama stječe se na dan poravnanja upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava (1) ove tačke osigurat će se iz Budžeta Federacije Bosne i Hercegovine.

VIII.

Obveznice iz tačke II. ove odluke mogu se otkupiti prije roka njihovog dospjeća.

IX.

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom i agentom emisije o obavljanju poslova u emisiji obveznica.

X.

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati osim ako u javnom pozivu nije drugačije naznačeno.

Ponude za kupovinu obveznica unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene prinosa i količine iz kupovnog naloga kao i povlačenje kupovnih naloga.

Ponuda za prodaju obveznica unosi se kao prodajni nalog u BTS u periodu od 10:00 do 13:00 sati.

XI.

Nakon obavljenog poravnanja RVP registruje obveznice u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje obveznica na Kotaciju SASE.

XII.

Za realizaciju ove odluke, izvještavanje o nastaloj obavezi za Federaciju i poduzimanje ostalih aktivnosti u vezi s emisijom obveznica zadužuje se Ministarstvo.

XIII.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1395/2024
29. augusta 2024. godine
Sarajevo

Premijer
Nermin Nikšić, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba

Kontakti

Centrala

Tel: 033/722-030 [Email](#)

Uredništvo

Tel: 033/722-038 [Email](#)

Pravna služba

Tel: 033/722-051 [Email](#)

Računovodstvo

Tel: 033/722-045, Fax: 033/722-046 [Email](#)

Pretplata

Tel: 033/722-054 [Email](#)

Ekspedit

Tel: 033/722-041 [Email](#)

Prodaja

Tel: 033/722-079 [Email](#)

Oglasni odjel

Tel: 033/722-049 i 033/722-050, Fax: 033/722-074 [Email](#)

Tehnički sekretar

Tel: 033/722-061, Fax: 033/722-064

Ured direktora

Tel: 033/722-061

Komercijala

Tel: 033/722-042

2014 © JP NIO Službeni list Bosne i Hercegovine. Sva Prava Pridržana.

